



KOTAVUSA VIRDA

KOTAVAFI VIRDA VESTASA VA TAMAVA IS ARAYEEM MU AYIKEEM

Kotava, tela tamefa golerava
Va ina kosmac !!


Saneaksat ke 2025

36^e otuk







... ISE VA REJDERA
MEKONJESON AL EKER,
TO VA BLITENA KE GEJIK
INDE ENVAYAR.





VA INTYONA SEGA
DANKAGAYAD.



DAZA KOE DAREF OTUK









VA LAN VALDIG ROSLAMES
VA INTAFA KALIRA BANLIZE GÍ.



KAS ROTIT... TIXOLON
SINTON ROWIT ?

KAS ME TIR
TANAEFE
NAZBEIKYE KE
BEAUVAIS, JEAN-
BAPTISTE ?



INYE TIR
KULAPAFE,
KOSAYYA. COBA
ME TITIR
OPELAFE.

KOTA GOKURENA
YIKYA KE FRANCİK BLIS
KOE GOLA VA BATCOBA
TRAKUR.



ARTANYA ANTON
ROTRAKUTUD...
MOE SLEDA
KABDUEON
TIGITÍ.



KABDION AL GILDÉ
DA VA SAINT-LOUIS PULVIYIL...



DO ABIC ARTAN
KOE BATA PATECTA,
VA BIRGAFA DOBULURA
KE MINAF NAFALIK
KAATOÉ.





REDAKIK,
GOGRUPEL DA BIOGA RINON
REWANA VA KOTCOBA ME KALIR.
LAN BIRGAF PAK KOE BAT
DOTRAK KRULDER.



SAINT-LOUIS IS
NOUVELLE-ORLEANS
IS BANA DOMEGA KE
MISSISSIPPI BOST MEA
TID KE FRANCA,
VOLDUM TRAKUL.





KOE BIOGA, BAN PAK
MEZILIN PU ENGLA, JOKE
ESPANA ENWE ZO ARBURER.
TO BANA INA VA KATITEFA
LOUISIANA NARIR. BATCOBA
TIR BIRGAFA PAKAVA
KE PARIS BIOGA.






































DRASUYUN REDAKIK







DRASUYUN REDAKIK



Chartres folk kene Mississippi bost, ironokaf francaf folk, ironokafa virutsa, ironokaf redakik koe tawavo. Inaf yolt tir Saint-Ange : va bata bocafa lipta pu englik gobulkar ise va nilt gosoar ise va kota francafa Amerika gobilder. Voxen tokkane sin va amerindiaf vangluyanik van-miaeon bliyis co rojovled, is dile yerumanikya ? Tokkane gu benplekura ke gazik merelmeson roveged ? Tokkane meegluson ropomad ? Isen rigon... Va tokcoba gazik en kuranir ?

Drasuyun redakik 1. Taneaf luz

Francavafa xantofa wimbra.

Capitaine perdu (2016)

Sutesik : **Jacques Terpent**

Zovdasik : **Jacques Terpent**

Ksevasik : **Jacques Terpent**

Piskusik : **Éditions Glénat**

Kalkotavaks :

Drasuyun redakik, Taneaf redakik

Kalkotavara : **Daniel Frot** (2025)

*Sanegara bad 2 otuk ke virda. Daza ke luz
koe daref otuk, azu tena koe bat 36^e otuk.*



SOLO N

UTCORAF MWASIK
(640 - 558 AGJ-)

KRENTARA : Yves Duval
ZOVDARA : Léonard



KALI VII-eafa DECEMDA AGJ-, ATINA GAN OLUAFI KONAKROTI DERAYKASI VA ROTIEEM ZO BOWEYER.



TON SINYONA TIVA ! DA ANT
KULIK VA MWA EPUD, PUNE
BATCOBA TIR BILITAFI !

VA TOKCOBA KERTANDUL ?
TI IGELTAF DORJESIK NEKE
VA LOCOBA DAM RIN ME CO
ROKALI !




VA TOKCOBA UTCORAF
SOLON TRAKUL ?

DA BAT
SINTAAF WIDEYIK
OVED. ME ROVEDOSTET
DA KORIK VA KOAYKA
ZO GONODODER VOXE
VA ARIENTEEM KE SOKA
ME RONOSTUJER !



VOLWIVERA BUZER...

MESUTEYENA MWA VA SLIKA
ROFAVERA JOKE KSUBESIK
LEVNOVED.



VA FITEYEMB BEITAKS PU JIN
MALIARINTON GODIMERBAYAL !

SAAL, JIOMIK !!
TIL KOXAF... KALI
ABIC VIEL WAN
UNKAMAL !!



VA UMA ERBA ME DIGIL ? AE.
KO ERKEY WILUON LANI
ENIDE MU JIN DI ZO
TULEVETIRAL !

SAAL !! VA VERU-
MANIK IS KONAK
NAZBEIK DIKI...



MEDODERA VA BOZA
TULEVETIRASA VA NUYAF
WIDEYIK TIR VIRNAFA
TRAKURA !



BATA MEROGINDENA DEBALA TERE JUPAYAR
DA MIDUSIK IS YAMBUDIK KEVMADAYAD.

TIT YON DECEMOY KORIK SELUN GAN ABIC
IMPAVANTASIK ! TOKDUME VA BATA VITCAFA
MIREMBA LOEDJE CO GOLEVBURET ?



VA MALLYAFA MWA IS TAWAY
MINON MIDUN DINET !! EXUT !!

IN OVER...
MEA RISTARA !!

AZEN BAK -594, SANEFI TARI VAN ATINA TOZ AVLAR.



AZEN ARTI TOLOY BARTIV, EDJE EXUSIK VA KOKAVIGA TOLGENID...



TAXAT !
SOLON BLIR,
I GADIK KE SANE !

KRAFOLMA KE ELLASA

LAG ZORNAN GAN SOLON TIYIR WAVDAPAF.

GU TUFAKI ZO AZREGET... BAT-COBA TIR VOL-PESTORAF !



KLE VA INTAFA ERBA LODAM BLI LOTIL ? MILTEKUCA DIRGAR DA KOTA NEYA VA KON-COBA GOWETAR...




LUXE SIN, DASTRUBENIK KE SANE...

ZO AWUZAV KIRE GIVUV DA ROTI GAN KULIK ZO VIDETER.



SINTON GILDUT !! TON BALEMOYA PULA KARE INTAF ROBEEM, WIDEYIK KAN INTAFA VODA ISU KOBARA ROTICFITID. WAWIK VA KOAYKA IS SAYAKAF VAJ MEA LEVBURETED.



TADLEMWA KE SOLON BAN ATINIKEEM DAAVON ZO EMUDER AZE KEV TRINAF VAPEY ZO GRETGAR.



ILANEON, SANE VA YON ELIAIA ERKEYIK SOLLIBUYUR. BATCOBA TIYIR TANEAF SANEROTIFA BOLK.



KAXE ! AYIK SOTIR MAN NUME...

TOKLIZE TIYIS UGALANY TIGIR VIELE EMA BA KOBLIRA TIYIR UMA TA GADERA ?



ARELDON, TOKCOBA ME BETAWER, ABEGIKYE ? LARDE WAWIKAF VEK KAN ABIC TALOLK ZO ROLUSTED !



DERE SANE FURE ULDINEYER DA DALINTAFA POKOLERA ZO MOXAYAR.



FABDURA KE SOLON VA PLAY MU KULAF GLASTIK ANTON FENKUR !



LAN AYIK DJUBETAS VA BATA KOTCOBA ZO OZWAR, I PEISTRATOS...

TIRE, PENDETESON VA ILAFI ROTI, KULAF PEISTRATOS VA WAWIKEEM LULAYAR.



ANT POF IS ELVAF
AYIK VA DOKOTAF
GADEROPAF MILTUCA
PU KOTTAN ROZILITIR !



SANE,
VA DERBERA KE
BITONIK ANTON
LASUGRINUYAS
ME TERELTAL !!

VOXEN PEISTRATOS VA MERGILAP DJUKUFAVER.



VA JIN IXEL,
FELIIK !!
VA RINAF ITOWA
SU BASALMAL...



CUISAF !
VA BAT FORTEY
MOEKOTE ME UZAL !!!
KATECTA TIR
LISTARSFA
NUMEN GOFAVÉ !




WIC, WIDEYIK !! VOLNIK
VA JIN LAGADJUBEYED...

MINAF
KUMASKISIK !

KINOKAFA !

VA ROTI PU
PEISTRATOS !

PEISTRATOS, KOROTIVINON GAN FOLIDJAF
SANELIA, VA ATINA RE GAZAR.



AL JUPAL DA PÍ,
TO JIN BATLIZ !




SOLON, KORE VA JIN AL DOALIEL,
PUNE VA MECOBA GU JIN GOKIVAL.
RINAF MWATUM TIR LOELE UTCORAF
NUMEN VA MECOBA ROVEBETATÁ !




BALTE DOSTÉ
DA DUN VANYEL LODUTCORAF
TORKAROTIIK. VOXEN NIK
KE NUUYA VA DIVBLIRA
LODAM KOT FLINTANY
GONABDUALBAR !

AZEN AWALK VA TEL UTCORIK KE ELLASA BA 82-da KOE KIPROSA EWALA ONSEYER.



TENA



DARWIN



LENTE DATUCA KE LAN SAVSAVAF
RAWAKS ZO WOET, VOXEN TEL SINAF
LOGRANAF TID VUGCOBA KAPBURE
DATAF UG BATLIZE BEDEYEN GAN
JONTIKEC SULEMAM !

WÍ DA VA INTAFA
RIETA ICDE RINCA
LINVEL...



VA ECCOBA DUN
ANEYÁ, NEKE VA
MECOBA LOKIEWAFA
WÍ, PARÁ.

WORÍ YONA VUNTDÁ CO TID
ADRAFA GU MANA ROTISACA.
GRUPET DA BATCOBA
VOL ROTIR.



VOXEN MES !
TANTAZUKEVA KE
LYELL...

AX, WARE BAT LYELL !
CHARLES, TAN LOKIEWAF
ALKOPIK, USHER*
PATAVAYAR DA TAMAVA
WETI 4004 TANDA ABDI
YESUS KRISTOS ZO
REDUYUR. GRUPEL, ARSE.




GUE, VOXEN BAT WICOLK
KE LEVMADAWERA IS GIATEWERA
VA JONTIKCOBA PEBUR, I VA TULON
NAZBAL KE ANDES RODEGA LIZE
VA BIRAFI SERI TRASIYI. KOTCOBA
DANEDIR DA TAWAVA SOTIR
GUAZAFA LOPON DAM DAKTEYENA.



VA KOTCOBA, VAXE MINAFA
BIBLIA IS NEKIYIN NELKOTEEM
KE SKAYEVA.

ROTIR GODOSTET DA SIDOPAF
UGAL TIR MESEYLA GU UGAL
KE BIBLIA. ISE VA YONA
GORESTAFÁ DUSIVA DIKIR !



KOBIBERA VA BIBLIAF SUTEKS
GOLDE MEDOPEKUNA WICA
TIR ZOERACKA.



RINAFÁ BIBERA TID
RIBIEGAFÁ. VOXEN ME
ISKEL DA GAN INTYONA
DULZERA DI ZO KAIKFI,
NIKYE !!



VA RIN GU
PIRDARA GREWÁ,
ROBERT.





NEKEN.. FOLIRA VA LANA NEVA
SUTEYENA WETI KONAKA
DECEMDA GAN AYIK,
OK SERIF PIST VOLROTUXAS...
MANA BIBERA TO TIR...

* : JAMES USHER (1581 - 1656) ANGLIKANEVAF TUJRADIK VA REDUREVLA PATAVAYAR. INA BA SIEL KE 22-E KE SANE-
AKSAT WETI 4000 TANDA ABDI YESUS KRISTOS CO SOKIYIR, OMAVASON GU OTA KE TIYIS OXILEEM MALI ADAM IS EVA.



DAZA KOE DAREF OTUK



AX, ROBERT,
TO EN RIBIEGAF !

KAS GRUPEL VA COBA SUTEYENA GAN
JINAF BERIKYA ? HENSLAW FELIİK ISU
SIDGWICK PU GADIKYE KALIYID DA DOTAY
JINON STAKSEYEN JUPAD DA VA TAMAVA
DEM SPOSAF OPIK DI KOFİ !

SPOSAF,
ROBERT !

JINAF KOBAVEKS IXAM
ZO KAGRUPED ! VA BLIRA
GU OPA FU ROTEKTÜ !

KAS PU GADIKYE ME
ABDIPLEKUYUL DA BA
DIMLAPIRA FUXATIYATAL
NUMAZE VANPITIL GERTIK ?

GUE, VOXEN...
ARELDON BANCOPA
ME FU ROTIR, MEX ?
DYE GRUPÉ VA COBA
DJUMASKİ...

AL ABDIPLEKUL,
CHARLES. KAS VA
MEKA PORUCA DIKIL ?

ROBERT... BENJE, TO...
ARELDON TO... GRUPEL
DA EN, BENJE !

KLE ILTRAKÜ. OSTIK KALIL :
« LITÉ DA SUTESON VA BANA
RELMESA RIETA GOMILÄ. »

MECOBA MOE JINAF TOTA TIR
YASEGAF. ISEN PORUCA LOEKE TIR.
KOE MINYONA TEGIRA IS FOLIRINDA
VA LORİK IS GUGA. VOXEN
VA TOKCOBA DJUMASKIL, DARWIN ?
KIREN COBA JINON BELIYINA...

TOKINDE
AL EBLEL...?
JINAF STRAGA
TID YASEGAF.

CWE VA LORİK
DJUKURAYTAL !



KIPEAFA...

KLE PU JIN KALIL,
VA TOKA OPA FU KOBABEL ?
VA RINYONA GEVASA RIETA
ICDE SIDOPAF UGAL
OK KADASA KATCA ?
OK ICDE AYIK MEA TIGIS
TICE TOWARA ?

KOTA BATCOBA
ANTON TIR TILBU
IS LAMTARA.

ROBERT, VA KOTCOBA
MINON WIYINA ME ROMEUL,
I VA KOTBATA KATCA,
IS SERI, IS RINCA, IS RUFTA...

... FOLIXA VA ADRAFA BIBERA ME TATCER.
ISEN VA LANYON UUM ROTIR ROVODULZÉ.

VA BATCOBA DOSTEL, ROBERT !!
DERE RIN AL ETRAKAL.

LORIK VA KOTA KATCA
ISU XO ISU BLIRINDA
REDUYUR. MCCORMACK
OVEYER : GODIZVET
VOLSE BIBET !

ISEN VA MEMILTUCA KE
AYIK DERE REDUYUR ?
VA LEVETIRIK IS GOVITAF
MIVIRUBIK KE TIERRA
DE FUEGOS LENTE
« SELTAYAF » ENGLIK ?
TO BATCOBA TIR ?

MEVIELE ISKETÉ DA VA BATCOBA
KALITIL. BIBLIA PU JIN ICDE KOTA
BIBERA DULZER.

TIRE ARSE. VA BAT MIVIRUBIK
WIC, SIN ANTON TID IZGIK, I
MEAFIKIRAF TISIK. TIT MILBAVA
LENTE TISIK YOLKAS, I NYAPESIK.

AX EN ? ISEN
BAK RINAFI MISERA ?
BANUGALE TIYIL
VIXON GU MIVIRUBIK
LOON DAM KON
ENGLIK.

PU RIN KALPOÜ,
GIDDEL !!

KOE KOT TISIK, PARODJUCA IS AFI SOTID.
ME FOLÍ DA LORIK IKA MIN KIBLAR.
RINAFI TEGIRA NEDICKIR
DA VUXON SOTOWAT.
NARTE KE RIN SUMEON SOMETIGIR.





AYIK GODEFOLIR, DO GODOSTAN ARDIL. A BANCABA, CO TIR KROGUCA : NIVAFÁ LYUMARA KE KONTAN LOPOF !



ROTIR. VOXEN AYIK VA INAFÁ EMUDERA SOMEPROGER. VA LORIK MEKANE AYTATAL, CHARLES. TOKINDE CO ROTASKIL ? VOXEN AYTARA VA RIETARA VA GLOGA VA MILCOBA KALFIR...







ME LANĒ
DA VA RIN
NARACKĀ...



KAS
VA BIBLIA
WAN FOLIL ?



GRUPECKEL DA EN FOLIYĪ.
KORE VA SAVSAFA BAFELA KALION
AL DIMFOLĪ. BANA RIETA ICDE DUXAS
IS EKSASF LORIK TIYIR BAGALIANSAF
GU DIRNURA. LUXE WARZAFĀ...



KAS VA ANNE
JINAFĀ JOTYĀ
SETIKEL ?



TIRE ARSE, INAFĀ
GRIAWIRA VA KOTOTE
MIN AL TCALAR.



TOKKANE ROGESTAT DA LAN LORIK
VA RIBIEGAPAF TISIK CO ROVEREDUR
AZE WETI SANDA GU BLI TON VIRNAFA
MEJERA KE KONA AKOLA CO SOLIMPAR ?



VOLGUE, SUTEKS KOE BIBLIA ME ROTIR
AGELTAF. LUXE KRULDERA KE LORIK...
CWE BATA BULA ZO SOMEVESTAR.
FISTE TĪ MEFOĒS.
NEKE VA IN ME ROVEBUNTŪ...



VOXEN VOLTO ZOLTERA KE
RINAFĀ RIETOVA TIR. KALICKIR
DA TOWARA KE KATCEEM
VEY TUWAVAFĀ REBARA IS
REMBLIRA KE TEL DRALIK TON
MEKA NIACKA ISU NIEDARACKA
VA ABDUXOA SOPUWER.



KOTA KATCA KARE TOWARA
KE ANAMEDA IS INTAFA OLEGARA
INTON AL ZALER. TO RINAF
BLIDRAK TIR LIZE BENEON
KONAKA KATCA SODOIRUBAD.



GUE. DANEXA TIR DA AYIK ANTON
SOTIR LAN DUNOL VANMIAE ARYON.
WAL SIDOPAF UGAL IS TUWAVAFĀ
REBARA IS BATCOBA, TIRE
JONTIKKASE UJAROTI ZO GROLESIR.



RINAFI RIETOVA VA TOWARA
LIDAM INAFI TOZA DANEDIR.
KORE INAF YOLT CO TIR
ADAM OK EVA OK TOWARA,
XABE ! TOWARA VA LORIK
INTON ME KEVUR. VA INAFI
KOTRAFA RUNDA
OPELON DIMZILIR.



VA INE GESIAT !! TULON
KESON VA SUTERA VA
RINAFI NEVA, VA DOFA
GOLERA PU LINNÉ
SELTOM* ASKIC !! VOXEN
VOSÉ... SANEGAL !!



* : LINNÉ SELTOM KE LONDON REDUYUN BAK 1788 TIYIR GRU-
PEAF SELTOM EKTUDAS VA VAYARA VA KATCOPA. VAYARUNDEKS
KE WALLACE MILVIELE DAM TANEAF VAYAKS KE DARWIN
BA 1-E KE PEREAKSAT KE 1858 DENEON ZO ATOEYER.

30/07/1860 : PEROY AKSAT RADIMI
SANEGARA VA XANTA KE KATCEEM,
KATANARA KE BRITANAFI GESIA
TA ABDUFIRA KE OPA.

ISEN JONTIK APTACIK, DUM OWEN
OK BRODIE, AL DIVNEDID
DA RIETOVA KE DARWIN
TID ROLAFI VOXIS RIGOTSKAFA!



OSTIK, TOKKANE VA BATA
SAZDASA LUDEGAJA
CO ROFOLIT, I VA KOTBANA
SAZDARA KEVKALISA
VA LORAFI GELTRUCA...



... ESPUSA DA KONA BLISA
KATCA LAIZON ROKADAR ECA,
ISE DAKTER DA AYIK ANTON
SOTIR TEC SULEM.



BATCOBA KE SUTEKS KE DARWIN
TO KARAVARDAR : SAZDARA TID
KLICAPAFI JONTIKEKE TID
ROKIPAGANA. KIREN, BELICKISON...
GILDACKAT DA NOPE KADARAMA
CO TIT VEY JIDOL !

KLE EN, PU HUXLEY WELTIKYE
TU MOROJUSIK VA BATYONA
RIETA DJUMERU :
KAS TIL OC KE JIDOL
VEY... RINAFI VEYGADIKYE
OKU VEYGADIKYA ?


LORIK VA IN KO JINAF NUBEEM
SU BILDER : TO BONACA
JINON KENA TIR.



KLE WILBERFORCE, KAS TÍ
OC VEY JIDOL ? KOTTODE
CO TÍ KINOKAF LEON DAM
VA TASKAF GADIK CO TIKÍ,
I VA TASKIK FAVES
VA GRUÚÇA TA DILFURA
VA OPAF UUM DILINTON
VOL GRUPEN.




DARWIN



COBA
KIEWACKON
DILIZEYER,
MEX.

KRUPTEL ?
WILBERFORCE TIR
UIVEAFE. DISUKEL,
SIN DIVLANISON
SINTON WAN
KRUTSUD.

CHARLES DARWIN,
RINAF RIETOVA VA
KOTAK KE GRUPERA ICDE
KATCEEM EN BUNTUR.
KAS EN TRAKUYUL DA
INA MEATATCENON
CO DI ZO NALEYER ?



VOLGUE, VOXEN ICLE KAN
GELTRAFA ATATCERA. KIREN
SOPRON, ANTAFA COBA
NUKLANTASA VA KORIK KOE
JINAF RIETOVA ME KRULDER.



KIREN MEKVULON,
VA NAZBEUCA KE AYIK
DIVROZÁ. MEVIELE AL RUYÉ
DA AYIK SOTIR OC VEY JIDOL.



TO KOTA BATCOBA ZO ATATCER,
TO ANTAFA DUSIVA KE WILBER-
FORCE TIR, TO VILDERA
VA VAYARA VAS TOLSANDA :
TO RIETA MEVIELE DIV-
PLEKUYUNA GAN JIN.
VA BAT OZAKS ILKADÉ.

JIN, KRUPTE DA IN TIR
KIEWACKIYIN. JIDOL VAS RIN
GUCER. GILTAVEL !! TO TEL
TANEAF KE ABROTCIF TUM TIR.



OX, GRUPECKÉ... SANEGASON
VA JINYONA VAYARA, VA
TOKCOBA AL ASKÍ ? FITZROY
ROTIR OVEYER. KROGUCA
SUMEON ME TIGIR.




VA TOKCOBA GILDÉ ? FITZROY
ASKIPES VA RIN GU PERAK CO
OVER ? BATTODE KAS VA RIN
GOROYNÉ ISE GOZEGÁ !?




DAKTESON DA KO RICHMOND
APKAZUTUSON MALLAPIYÍ, EN ASKINYIYÍ
NUMEN VA INTAF UIVEUS FITC AL
ROVOFAVEL. LIEKE VOL CO ROTASKIYÍ.





Tena
CLOT P. 06/16

VARGI




DARWIN (1809-1882)

Blira ke **Charles Darwin** kareizuna koe bata wimbura, zobena gu suteks ke miv Darwin is inyon pokeik soe zavzar sutesikafa disukera. To konaki tegi icde koyara ke *Beagle* tota kan jotaf Charles koyayar, is yoni tegi ke inafa blira kali sanegara va inaf dalaf suteks icde xanta ke katceem. Loon grupeteson, va dragen vebas nevatum meklabuson rupel.

Izvafi vargi gan Christian Clot

ARTOWAROTAS SUTESIK VA « XANTA KE KATCEEM »



Kudja va Charles Darwin dene Tčila
va Tuwavafa Izva koe London.

Tokviele **Charles Darwin** va intafa rietova icde xanta ke katceem en voneyer? Lantan ruyed da va omaveem bak alubdafa koyara anamo tamava aykayar. Artan volson trakud da in dimlapiyir, megestayason va bata rietova, isen to gu afi ke abrotcifa kaaneyara dene int koe Down va ina oxam voneyer... Ape loon, to dokotaf blirugal va buntura va seltaf stravok banvieli « merosopten » osk noveyer, voxosk in va tana lozolonafa opafa artowarotara ke ugaleem buneyer...

Charles Darwin is koyara ke *Beagle* tota

Darwin va *Beagle* tota rundanyar. Inaf mukot tid dizvera is origdotara mu opa. Banugale antaf mukot ke opa tir danedira va grabom ke Lorik. Koyaradi tir vecara mu yikye. Ine kadapayason dimlapir, is olyasteyenon gan inafa ecyona sopuyuna kosmara.

Moe tota, Darwin koe liwotxo valeve ciska « zo vistaler », i koe nilafa darka vas mon baroye metre jon baroye, remnina gu totekwafl norisk. Va bata darka do fayik vayas va liwot is stragas va biraliwotafa sabera walzilir, is do Parker King jotaf abdifayik koeon dere kenibes. Sieleon, Darwin va mosk wale nevak is trayka voker. Kenibeteson, va inaf ticef klint kottomon gotiolter, lente mosk ke King. To matafa darka va intafa tamava remi alubda di tadler. Soe va kobarazentam lajupinker lize va intyona dizvesa kobavera siurgar. Voxen to dere gejopafo xo lize varafa vuida is zaloreem zo gorad, numen Darwin va dilizera ke totara gogolkiron rodusuker ise va fayikeem ke tota vikapon paskaler.

Ugale toloy ayik me mibued, pune koe ilpega ke redakik loviele estur, voxen inafa wideyafa ravalduga dere nover da va birelik karolas va dal-intafa agramuca isu grupera noton sekar. Gu « Philo » kalion noton kalion zo ikayoltar larde inton dun biber ise va kotcoba skeuson gipulvir.

Lana « gojafa » koyara

Koyara ke tota me tir conyakorafa. Ba 27-e ke santoleaksat ke 1831 va Plymouth mallapir aze ba 2-e ke saneaksat ke 1836 ko Falmouth dimlapir radimida va Atlantika welfa remlapiyir, ise va jointika lapira az dimlapira keno ronefa krimta ke Geefa Amerika exuleyer, ise remi yon abrotcif aksat koe Patagonia jonvieleyer, ise va taltefa krimta ke Amerika lentlapiyir. Azon, medimlapison, va Pacifika welfa koo Galápagos tursia az Newzelandaz Australia az Keeling ewaleem az Kaapstad vagee Afrika remlapiyir. Aze gire remlapison va Atlantika welfa, va Brasila dace ezlapiyir lize va konaka tenukesa kobavera sopeyer, aze va Engla tere kallapiyir.

Biropafa is liwotopafa vayara ke Fitz Roy is drig va jonvielera vas yona abrotcifa safta koe milo xo askoar, voxis va milliz konaka girefa tiskira ta tukotrara va danexa. Kobligasa stegera is seltafa paskalera koe lanyona widavapa, gu greeltara loleon abrotcifa dere vebad. Batdume mon lik ke alubdafa koyara ke Darwin moe siday tiskid. Kotviele in inton rodvittotat pune askir aze va mona dace dile lizukedur konakviele greeltcek tir abrotcipaf.



Tegipis « koyutasik »

Moe tota, Darwin va meka elimafa ravaliduga dikir. Fitz Roy va in galpeyer kire va « miltik » kuraniyer enide puon di pulviyir ise va kivapana antiuca di tatceyer. Darwin tir tec koyutasik, kore winugafa yorda vas tuwavopik ke tota tiyir ke Robert McCormick tcobasik. Voxen Darwin jotik va intafa titisa joya men gruper voxe ixam tir ageltucaf opik. Ton vepokaf dizvesik, va wiks mukodon lasuvangruper, belceson va tegi lodam anamstegenarieta. Isen koyara va yona decitoya dizvera katectar. In dun dizver.

Bak totasa rekola, va kabay ligabeten lagebidur ise va bira dizver. Moe siday, va kotcoba trasina dotar : i va sulem is ruxa is pist, pimtason is trumon erviltason az stakseson pu aptacik koe Engla kotviele soktara novel. Nevak ke tota tukotrayan gan olkoy ke redakik is Darwin va inafa undera zanudar. Vanmia batyon suteks, vayarundeks ke Lamarck oku Cuvier icde tuwavafa izva tid : balemoy suteks ke Alexander von Humboldt tu gadik ke tawavopa sinkayas va gesta ke jotaf Charles kan koyaranega koe Geefa Amerika ; is vayarundeks ke Charles Lyell drages va warzafa envara va wica ke sidopa is buntus va skayeve uldinesa da klaa ke Tawava tir vas oxam abica decitda isen tazukawera darpe lan skayabifatum dilizeyer.

« Kumsetusa » dizvera

Acum Darwin va tiskira va konak aksat koe konakec lidawickaf is sidopaf bolc katectar : Amazonia is Patagonia az Andes rodega is Galápagos tursia az Australia is yona ewala ke Pacifika welfa. Kottode dun dizver ise va orig dotar, levmadason va bibe lodam zilison va dulzera. Koe Amazonia, gan nutisa « doaliera » ke kota katca ta remblira zo evodar. Koe Patagonia, va serif yupolk ke katca griawiyisa nek vikafa gu refa apta kosmar. Koe Andes rodega, to ruftacek is giateyene ontime ke meftava is birafi seri koeon trasiyini va in evodad. Koe Galápagos tursia, amidaca wal dunol ke mila katca powad. Isen koe Australia az Keeling ewaleem, to varafa sidopa jupar da in va geltraf jijacek ke redura va wica ke minafa winta nuer.



Tana ewala ke Galápagos tursia, sposafa gu inyon vartaf verbok ke Darwin is inyona gulafa imboza.

Kotbata dizvera di kadad kosmara nume va inafa minia icde suteks ke biblia vanvilatad. Redura va tamava bad abic viel, is klaa ke Tawava patavayana gu biwe balemdecitda gan alkopik, is belikafa redura va katceem gan Lorik va inyona dizvera moe tawova vol vadjed. Warzafa sazdara zo gobuned enide dizven orig va opafa geltruca di vadjed.

Charles Darwin radimi koyara moe *Beagle* tota va waref blirugal ektutur.

Keeling ewala (ikwe Cocos) lize Charles Darwin va tazukawera ke rinca vayayar.



RADIMI KOYARA



Anne Elizabeth « Annie » Darwin, i toleaf nazbeik ke Emma Darwin isu Charles. Inafa muluftera ba tevda va Darwin vanolapayar nume va inafa envara va bli is Lorik turestayar. Radimi inafa awalkera, sutyey : « Va daava ke minafa yasa is vinura va minyon guazaf viel al drasut... »

Viele bak saneaksat ke 1836 arti alubdafa koyara, *Beagle* tota ko Falmouth vankrir, Darwin va yolt den opikeem ixam al askir. John Stevens Henslow savsaf tavesik juikeyes gu kototara is kazawayamb va dotay stakseyn gan Darwin darpe koyara, va amuzera va pak pu tabexaf bliopik isu sidopik al vajuler. Dotasa kobavera ke yikye is pak ke inyona luzdara va aptacik al woed nume va in den sint volirutason emuded. Volale Charles Darwin di vanpir tawadayaf gertik, kore to inafi bali abdi mallapira tiyir. Dace gadikye tiyise etrakasapafe nope krabera ke nazbeikye va in van warzafa joya zober : ton opik. Darwin va aptacik grukobaves va jontik dotay vere kaaneyar, isen batcoba tir drikafa nope inafa opafa fiuntuca. Va dokotafa opikafa doda kakever, don Charles Lyell sutyeyes va warzaf sidopaf nelkoteem turestapayas. Va Richard Owen seriopik pimtatas va serif dunol ke Patagonia dere rungruper, is va John Gould zveripik wazdetes da zveri malbureyeni mal Galápagos tursia enwe tid san-baroya eca apta ke verbok.

Radimi irubara koe Shrewsbury az Cambridge, Darwin va London koirubar lize va opaf rekodikeem nobar. Vanpir bewik ke pirdot ke Tawavopaf Seltom is suteptik ke Sidopaf Seltom vovis bewik ke jontikar grupeaf rijay, don targaf *Royal Society* seltom.

Kadime mona koe Down, yasaki inton zexar.



Ba 29-e ke taneaksat ke 1839, Darwin va Emma Wedgwood lorbafa kosayikya grupena mali rume-ugal kurer. Arti konaka tanda koe London, yasa va waba koe Down koirubar, i koe vumeltaf tawadayaf deor gee London. In kali awalkera ba 19-e ke balemeaksat ke 1882 mea bulutur.

Mali dimlapira, wali rekodikafa tegira, va opafa kobavera is sanegara ektudar. Vaon mea djumilfir. Ostik va tizafa vozera jontikvielevgar nume zo tuaxapar ise remi konaka safta koe ilava dile zo elekar. Acum Darwin va intaf kobavekseem isu vayakseem to koe Down di belcar. Yasa kalion tugijawer. Va sanoy nazbeik dovey Emma dikir : William Erasmus (1839-1814) az Anne Elizabeth (1841-1851) az Mary Eleanor (1842-1842) az Henrietta Emma Etty (1843-1929) az George Howard (1845-1912) az Elizabeth Bessy (1847-1926) az Francis (1848-1925) az Leonard (1850-1943) az Horace (1851-1928) az Charles Warin (1856-1858). Charles gan abditcfa muluftera ke Annie ba sanda zo vanolapayar. Meviele vangrupeyer dume renas lorik va volgunaf rumeik zijnaf is daavaf lion dum Annie sol bli rodeswar. Batcoba ape webeyer da Charles va alkaf uum loon ilfiyir.

Acum Down tir mona blizesina gan rumeafi tari is inyon nik, vovis vayasafe xe mu Darwin dure lasuganeyas. Va nazbalkera ke sulem do vegungaf tawadayik vayar, ise va konak play ta dizvera va ruxa is imwa inker, ise va tuwava cugvielevgar. Va kobaverapa icde xanta ke katceem adur.

Darwin va zolonafa kobavera va jadifa is opafa sanegara bokar. Va *Journal and Remarks* nega az konaka dizvesa neva dum *Zoology of the Voyage of H.M.S. Beagle* az *Geological Observations on South America* sanegar. Bak 1842, va *The Structure and Distribution of Coral Reefs* neva sanegar, i va suteks slemas va inafa rietova icde redura va drakxo, ise va rieta icde viafa tazukawera remi yona vuntta tulon koplekur. Inafa sidopafa kobavera tiyid taneafa omava fonsasa va vayara va towara ke katceem, i va stravok dines va torigiraf ugal. Danedison da sidopaf ugal tir zolonapaf loon dam rieta ke biblia, Darwin va adraf ugal ta towara ke blis katceem dere

« dozilir ». Sanegas armor ke Darwin remi waref blurugal diwan zo gutrenar. Voxen in va an intaf grabom dere tiaskon kobaver, i va *Xanta ke katceem* tis danexa ke intyona dizvera ke koyara is toldafa vayara mali dimlapira.

Darwin va tadlexeem ta sanegara va intafa rietova valevi geltrafa sanegara ape dadiyir. Voxe tiyir jilaf da ina gan selt is alka melovon co zo roremwir. Mecoba koe rietova va Lorik buntur. Wori ina va lanyon nelkot ke alkolk rotur, i va tulon redureva ik vamoeca ke ayik, numen Darwin grupeyer da batcoba va alkafa tamava stapeson co eksudar.

Tani tuesiki tiyir artnira ke twa ke Albert Russel Wallace britanik (1823-1913) tu bliopik is vestasik tulon stayas va jontika opafa brinuga koe melayafa tursia. Wallace mali toza ke intafa kobavera va katcafa rembetukera rojuna gan Lamarck vox tizon dilfuna gan etrakasik ke bane sare laneyer. Va vayara va towaraf nios ke katceem ektudayar, nume bak toleaksat ke 1857 icde geltruca ke stravok ke towara ke katceem vol etrakar. Mali alubeaksat ke 1857 va Darwin toz daalar. Bantan va jontika vekta wal intyon kobaveks is telyon ke Wallace katcalar. Wori Darwin uldiner da Wallace « jontikeke leon dam in ilfir ». Wallace va intaf nubasuteks pu Darwin stakser, i va *On the Tendency of Species to form Varieties* (*Niedara ke katca ilfisa va xantaf ord*), kazawan gan Charles bak teveaksat ke 1858. Wallace va « tuwavafa rebara » meviele rontion pulvir voxen inaf vayarundeks tir vikarsaf gu rieteem ke Darwin. Inaf suteks luseon men tir tenukeyen. Va in mali tolsanda tukiewar. Va yona decitoya straga dadir. Voxe va djustanegara neva men al tenuker. Wori va kobaveks ke Wallace djukurazdar. Ban kobaveks miledje dam suteks ke Darwin bak tana katanara dene Linné Seltom ba 1-e ke pereaksat ke 1858 zo belir.

Ware batugale, kevdarwinik laruyed da in va rietova ke Wallace co dubieyer. Volto toda tir. Jontik suteks en wazded da Darwin va omaveem ke intafa rietova valevi rungrupera va Wallace al aykayar ise va kobaveks ke dokobasik meviele vol al larazdayar ise al rojuyer. Ison bat toloy ayik remi waref blurugal diwan tiyid naf.

To ba 22-e ke santaneaksat ke 1859, *On the Origin of Species by Means of Natural Selection, or the Preservation of Favoured Races in the Struggle for*



Life neva (*Xanta ke katceem kanvey tuwavafa rebara*) koe nevaxe toz zo doler. Tornoce opaf suteks, sanegafa kiewatca tir wotrafa vas 1200 tulok ke taneafa sanegara lusten mali taneaf viel. Darwin va intafa rietova voneper. Koe bata neva, va towara ik Lorik ik ayikeem ik runda ke ayik me pulvir. Soe kevudarapa vanblir, golde rieta da Darwin co uldiner da ayik co sotir vey jidol. Man uum koe bat suteks vol tigr.

Kore atatcera tid skeusafa, pune rietova ke Darwin gan jontik opik kalion zo rojur numaze ton tela antafa vodafa rodizvesa va towara ke katceem stekeon di anamsteger.

Darwin kaiki sanegara va intafa nyelafa neva ubzeson dun kobaver. Va *The Descent of Man, and Selection in Relation to Sex* neva (*Ayoc is ikrafa rebara*) bak 1871 az *The Expression of the Emotions in Man and Animals* neva (*Muxara va kontera ke ayik is sulem*) direilanon sanegar. Koe bat toloy suteks, Darwin va rietova icde ayik divplekur. Va opafi tegi voner voxen inafa tuwarzasa rieta icde seltafa is ayafamafa yorda gogetcana gan ayik dere remawid. Darwin dun tiyir zardaf rojusik va ayafa miltuca is seltafa olegara, is vilkiraf kevlevetirevik.

Darwin tiyir dataf opik kan kobavekseem voxen dalon dun tiyir dulkaf is rojus va aye. Koe intafa mona ba 19-e ke balemeaksat ke 1882 mulufter. Beka koe Saint Mary awalkikxo ke Down al zo djukukotawayar, pune jontik tabexaf opik karaked enide koe Westminster ecey koe London di zo konaboxar lize gu winugaf breg zo porar. Kiren funey mea tid.


Darwin vanpiyir tan losposaf opik ke ugaeleem isen inafa rietova va tamava ke opa al zo artowarotad.

Bazaxo ke Charles Darwin koe intafa mona ke Down. Riwe vieleon remi balem-sanda koeon kobayar.




Westminster ecey lize Darwin zo kotawayar beka va naboxa koe Down al galpeyer.

XANTA KE KATCEEM IS SANEGARA VA NEVA



Vartaf verbok ke Galápagos tursia is sinyon ec oral. To Sym Covington tcicesik va Darwin moekote dotayar azen Gould luzdayar. Kaikion Darwin va sin gu pofa bazexa va straga ke tuwavafa rebara kruptheyer.

Blidrak zovdayan gan Darwin is muxas va intafa rietara va lana mukotiskafa is niiskafa towara, larde drak voldum aal kotwoyokon rovodatrir.



Vildera va kobavekseem ke Darwin is inyona rietova icde xanta ke katceem ton abica conya co tir poraransa, isen larde jontika askisa neva krulded. Voxen konak uumap tid zolonaf ta vangrupera va ramiruk ke inafa neva sanegayana bak 1859. Banugale Engla is pakavapa ke tamava tir alkapafa is vilkirafa gu redurevafa rieta : sagapaf Lorik va Tawava is inaf blis katceem volradeon soreduyur. Opa niter dizvera va loraf redunik vols narura. Ayik tice katceem sotigir isen evla ke redura oxam tir milsarefa gu taneaf ayik, trabe gu Adam is Eva. Sedme lana patavara, co tir vas biwe balemdecitda ! Wori konaka rietova va bat nelkot mebuntuson altoz biber. Taneon tantazukevafa sidopa ke Charles Lyell slemar da, voldum rietara va tazukawera ke siday is meftava nope skaya, dataf jijacek is viafa towara ta redura va noelaf tadaveem tiyid adrafa. To lana rieta gan dizvera ke Darwin zo gruyeter. Vakrile bata warzafa sidopa, ar opik va redura va katceem kobibeyed. Jean-Baptiste Lamarck (1744-1829) francaf tuwavopik va jontik suteks icde pulara va niskiskaf katceem sanegayar, divrozason va rieta ke katcafa kadareva kare anameda ok linulara. To tan taneik divplekuyus va rietova icde towara ke blisikeem tir kore justeyer.

Dace Erasmus Darwin veygadikye ke Charles milinde al zolteyer. Thomas Malthus va nelkot icde sanelia askoas va koboda wal katceem is remblisa lyumara ke govitoleem luxeon al kobaveyer.

Acum Darwin me tir taneik divplekus va rieta icde towara ke katceem. Voxe namon aykayar da batkrilon ugal adraf gu bata towara rotir kan kagluvara va sidopafa dizvera gu dizvera va blise, isen bankrilon in va tameuca ke nelkot gu eem dem katca tujadiayar. Tir trakopik lidam aneyasik, numen to inafa kotorafa envara, va intyon kobaveks maneke tutsokapayar.

Lana rietova aykasa va konak nelkotap :

- Towara kan tuwavafa rebara dilizer, numen katca lokiewon inton zalesa sorembliir, volkare intafo po oku gruuca. Batdume, kon dunololk dis va lana « nastafa mepreksaca » dum oral abrotcaf loon dam ar milkatcolk, lokase di rovorembliir, koe anameda lize sinka koe fe anton rovansane gan abrotcaf oral co tigur. Acum in va bata « mepreksaca » pu oceem roveyzilitir nume va betekera amuzewetesa vey kota direfa oxila ke bata katca redutur. To bat dunololk lokase roremblitir numaze va nasta nazbalkeson veyzilitir.

- Towara sometir belikafa nia ok ovopafa gorukuca vox e kare xuvara ke divef gropeem inkewer.

- Ayik sometir ana otsa ke towara vox lana betekera milafa gu konara voxisen inafa betekera silukon miv towatar.

Darwin va blidrak lodam bliaal balte pulviyir : drak kotwoyokon sovonewer, kare firvina rotisaca, solve niedara ke aal nutir ticafa atrira van awalt. Taneafa tanzonafa blixia batinde towayad, mali koni betekera mali ari direfi akz-, mukotiskon is niiskon, van loloon birtaf blisik...

Kevudasa sanegara

Ba sanegara voxis nope kiewatca, rietova ke Darwin kevudapayar. Bata rietara va viafa towara is isk ke gorukuca is ayik sometigis tice relida voxis buntura va redureva, va jontik opik isu alkopik funeyed. Jontiktan va in diltuyud ike ozayad, kan kaatoera va Darwin dis va alto ke jidol ok rietasa tukliotara koswasa va nastarebareva ke Darwin beka in tiyir belikaf kekusik. Ware batugale, nekev data volrosoptena opafa wazdexe, Darwin belon zo diltur isen redureva gin zo kabdunedir. Konak galdolk ke ATS- va tavera va redureva dene bema al korictad, isen batcoba batugale evodar. Ostik kristevafi ujaroti tiyisi kevdarwinevapafi bak inafe sare va rietova ke tuwavopik cugote al dosted.

Atatcera ke Oxford

Lopofa kevudara va rietova ke Darwin bak lana katanara ke Britanafa Gesia ta Abdufira va Opa koe Oxford ba 30-e ke teveaksat ke 1860 dilizeyer. Radimida John Draper trakopik mu Darwin is seltafa abduxoa al dewitcayar, pune Samuel Wilberforce tujradik ke Oxford va rijna ticlaniyer aze va rieteem ke Darwin tizon rotuyur. Kan ewus fitcap, va rietova diltuyur. Krupter da ina tir rigotiskafa is geltrevafa dizvera ise male mekak zo kiyir. In gan Robert Fitz Roy koe bonta zo zober, i gan Fitz Roy kinokaf kir firviyis va runda moe dilintafa tota is ruyes da dizvera ke Darwin al tiyid opansafa.

Voxen Wilberforce me tiyir ant dis va man ewus fitc. Gan lanyon opik don Thomas Henry Huxley jotaf bliopik rojus va Darwin is darwineva kalion zo rotuyur. Huxley gu « bugdas vakol ke Darwin » tire zo ikayoltayar. Diltutuson va Huxley, Wilberforce co eruyur kase in co tir « vuvik ke jidol vey rinafe veygadikye oku veygadikya ? ». Bata megrupera ke Wilberforce va rietova icde xanta ke katceem (kiren sedme rietova ke Darwin, ayik tir nastafa apta ke towara nume sometir « oc » vey jidol), jupayar da Huxley di kaliyir : « Lorik va in ko jinaf nubeem su bilder ». Va dewitca ke tujradik bolkon grikseayar aze zolteyer : « Abdualbá da tí oc vey jidol lodam kon taskik faves va araya is uiveuca mu abdimalyeks is rotuxadara ».

Robert Fitz Roy

Kadimi dimlapira ke alubdafa koyarapa moe Beagle tota, Robert Fitz Roy va Mary Henrietta O'Brien (1812-1852) aguntayan levi toza ke brinuga kurer. Baroya nazbeikya is tanoye nazbeikye vey in di koblid. Koe London koirubar lize va nega ke intafa koyara ton balemoya karba sutelar aze bak 1839 sanegar. Bareafa karba va *Journal and Remarks 1832-1836* neva (*Pone is yona katcalara*) ke Charles Darwin ware tis nik kodoplekur.

Bak 1841 wetce bewik ke Puloda dene Tory pako ke Durham widava (valenttalte Engla) zo libur. Azon bak 1843 vanpir bowesik va Newzelanda. Dimon koe Engla bak 1848, va totiaxe ke Woolwich gader aze direilanon va *HMS Arrogant* ironokafa tota dirgar. Bak 1850 kobulur aze bak 1851 va *Royal Society Seltom* denfir, satcon zobenon gan Darwin. Kan bat semek is inafa bagala ke bira is konak zolonaf zobesik, gu warzafa zanela ke sazopa zo koflir, tulon vajuleson va birafa sazopafa dizvera. Va bat play fitcon kereler, artowarotason va ruerinda va sazopafa abdiwira, askoason va totaredakik is koaykason va xuvasabesiki koe tota is reduson va sazopaf liwot. Tir abdienvasik va straga ke « abdiwira va saz » is inkera va elogas bolc koe molteem rictas va totara oku pous.



Delt va Thomas Henry Huxley tiyis tel taneaf is lozardaf rojusik va kobaveks ke Darwin. Gu « bugdas vakol ke Darwin » zo ikayoltayar.



Tana jontika volaxa va Darwin jidol, muxasa va rieta ke ayik vey jidol, sedme Darwin. To roklanafa tukliotaca ke kevpulvisik va Darwin radimi sanegara va « Xanta ke katceem » neva.

Fitz Roy is amerindiik ke Tierra de Fuego tursia



Amerindiiktum kabdue vrek. Batlize sin tid vagekiraf solve jadion lebon bliyid. Voxen loa kaatoera ton gretcaks lidam afigasuteks va sin vagekiraf nedid kiren vandositas alkavuidik va xariafa gia gubeon koaykayad.

um ugal ta lokiewafa kosmara va banyon ayik me dadiyir, i va ayik soe dikis va dilintafa ava isu araya is kotunon dilinton zaleyes gu anameda.

Tel baroy amerindiik va bliracave ke intafa tamava kalion dimdrasuyud : va europaf vageeem isu giltira ke Engla jovleyed. Va bali ke York Minster is Fuegia Basket grupejet. Toloy vrulutani sinton co yerumayad aze va toloy nazbeik co dikiyid. Voxen Minster kev englik kalion tegiyir ise va sin mea mea djupaskaleyey ise nututizaweyer. Moi pisonara zo aytayar. Fuegia Basket ko alkavuidaxo bak 1873 gire awiyir. Kareizuyur da va London is koyara ke *Beagle* tota setikeckeyer vox al vulkuyur inde mo rova debanyat.

Jemmy Button va divefa tota is alkavuidaxo inkeyeno koe Tierra de Fuegos lobelon paskaleyey. Dene intafe sane nuve toz yordapayar. Bak 1855 gan alkavuidiktum zo kevlaniyir ise wan englavumuyur. Bak 1859 gu dila fura va lano alkavuidaxo koe Navarino ewala zo koridayar voxaze zo faleyer. Evla ke inafa awalkera tir megrupena. Voxen tane inafe nazbeikye ko Engla do Waite Stirling vuidagertik silukon lapiyir.

Radimi awalkera ke taneaf kurenik bak 1852, va Maria Isabella Smyth bak 1854 gire kurer numaze va alubeaf nazbeik doveyon dikir. Bak 1863 gu ikarambik zo ticekavar. Voxen coba kev in ligundewer. Nope koefa skaltewera, in va zanela ke sazopa bulur ise ve miseper. Bat rotok va in remi blirugal leon dun vandositayar. Ixam bal koyara ke *Beagle* tota, nope misapa mejeyer nume koe Valparaíso va dirgara va tota djukujovleyey. Voxen bata ironokafa toma di tiyir bocafo. Fitz Roy ba 30-e ke balemeaksat 1865 kser, laridagabeson kan tipokesiki.

Fitz Roy tir *Tory* neyik viderevapaf is folixes, uldines da biblia rusunon zo gobelir. Wori, bak koyara ke *Beagle* tota etrakar. Me tir mesiakraf gu towara ke trakura ke Charles Darwin isen dizvera va fulteyafa azeka koe konaka gola ke poz vebad da in

doster da redura va tamava bad tevka nutir merotisa. Nope batyona dizvera is belira va kobaveks ke Charles Lyell, dace doster da « rotir va ruyera ke biblia mea co folir ». Voxen radimi dimlapira, aludevon gin boyarur. Turestanon gan abidapaf kurenik, va rieteem ke Lyell is kota rietova fimukasa kev krent ke biblia koton sopter. Batcoba va in gu Darwin di ilplekur. Viele bantel va *Xanta ke katceem* neva sanegar, pune Fitz Roy pester gunaf kire, naleyeson va Darwin moe tota, va redura va bata kumsetusa rietova pakeyer. Mali sanegara, va rietova ke Darwin zugon di doalieyer, eruson va folira va Lorik lodam ayik. Kranavera nekina gan suteks ke Darwin krupten gu relmera, va tuastirbara va inafa misa rotir pakeyer.

Xantazopaf vuesteks (francavon)

- **L'ORIGINE DES ESPÈCES, DE CHARLES DARWIN**, Ed. Honoré Champion, 2009. 918 p.
- **LA FILIATION DE L'HOMME ET LA SÉLECTION LIÉE AU SEXE**, de Charles Darwin, ed. Honoré Champion, 2013. 1040 p.



- **DARWIN ET LE DARWINISME, DE PATRICK TORT**, Presses universitaires de France, 2014. 128 p.
- **LE MONDE A-T-IL ÉTÉ CRÉÉ EN SEPT JOURS ?** Pascal Picq, Flammarion [Poche], 2015. 240 p.
- **LA FACE CACHÉE DE DARWIN - L'ANIMALITÉ DE L'HOMME**, de Pierre Jouventin, Libre & Solidaire, 2014. 230 p.



DARWIN

2-eafa KARBA
(1809 - 1882)

1836. *HMS Beagle* tota ko Engla arti alubda anamo tamava dimlapir. Moeon Charles Darwin va kota rotrasina ruxa isu dunol al vayar. Men gruper voxen inafa dizvera va lesay ke tamava fu betad.



Darwin

Francavafa xantofa wimbura.
Darwin (2020, 2 dov)
Sutesik is nios : **Christian Clot**
Zovdasik : **Fabio Bono**
Ksevasik : **Dimitri Fogolin**
Piskusik : **Glénat / Fayard**

Kalkotavaks :

Darwin

Kalkotavara : **Pierre Van Moorgen** (2025)

Sanegara bad 6 otuk ke virda.
Toza koe 31^e otuk, toleaf dov
mali 34^e otuk



RAHAN



BRROOOOUMM!!



Rahan is tacedik ke Faltafa arna

Francavafa xantofa wimbra
Rahan et les fantômes du Mont-Bleu (2015)

Krentasik : Jean-François Lécureux

Zovdasik : André Chéret

Ksevasik : Chantal Chéret

Piskusik : Soleil

Kalkotavaks :



Tacedik ke Faltafa arna

Kalkotavara : Damien


Etcheverry (2023)





Zixa 6/6. Tena ke rupa.








RAHAN!! RAHAN!! RAH..AN









IDJON GU
TEGIRA.
OCYE KE
KRAO VA
GLUYAXA
ME GABE-
YAYAR KIRE
VA GRALO-
MENIK LAXU-
BAKAYAR...!












DIREVIELON...








RAHAN

OCYE KE VOLOKUGAL

TACEDIK KE FALTAFARNA



Krentara
Jean-François LÉCUREUX

Zovdara
André CHÉRET

Ksevara
Chantal CHÉRET

FRANCAVAFARNA
XANTOFARNA WIMBRA :
RAHAN ET LES FANTÔMES
DU MONT-BLEU

KRENTARA : JEAN-FRANÇOIS
LÉCUREUX
ZOV DARARNA : ANDRÉ CHÉRET
KSEVARARNA : CHANTAL CHÉRET
PISKURARNA : SOLEIL (2015)


KALKOTAVAKS :
RAHAN IS TACEDIK
KE FALTAFARNA

KALKOTAVARARNA :
DAMIEN ETCHEVERRY
(2023)

soleil



Kotavaxak dem suterot



— Atedafa, ~ Conrad Néron katcalar, ~ maneke kottan mefakon zo tuvalear. Bat baroy va unenye al bulud aze, batlic koirubatson is midutuson, ilon mallapiyid, neken jin dun trakú da afizcekon aulafa debanyera koe bazaxo dem bruxa moe oblaka is bravanon gu fent is idulap loeke sotir plinafa.

— Kottan va intafa rieta sonarar, ~ Lorenzo Surprenant mukodon kexir.

— Isen rinafa rieta, volto zavzagira koe Honfleur tiyir kaikkobatson moe *wacarn* ! ~ Racicot mokiper.

— Gue en, me palsé : mancoba me co puveyer. Bat korik va jinaf taway al lusted. In tir tawayany, metel rokevkalir ; sinafa erava tiyir lusterar va kon numen va tel jinaf al dolé. Voxen luxe jin, tí valeackaf da re soké nume me co djudimlapí.

Chapdelaine gadikya takabotcer.

— Blira ke irubasik vinyis is boziskaf tir ana blira, ~ kalir. ~ Tit nuyaf ; a okilik ; digit va bonol ; kotviele kobat, pune batcoba tir mu int... Ax ! Kiewafa !

— Va kottan kalis va batcoba dun gildé, ~ Lorenzo dulzavar. ~ kottan tir felisik. Isen va bet korik kobas koe iaxe nusaac kiren in va govegen okilik dikir. Nuyaf... moe taway... benje !

Nubudason blizer darpeda pulvir.

— Irubasik sotir kalaf loon dam bettan koe tamava... Kotviele va yon korik kiewaskickiyis is digickis va umcoba adrafa moe tawava is ervayes loote dam artan pulvic, pune kalic : « Ax ! sin blinyid ; igeltud ; va bonolany digid. »

» Volto batcoba zo gokalir. Ae tire to bonol va sin digid. Mek okilik koe tamava tir bonaf lion dam gelukaf bonol. Cugviele kon bonol tuwavdar ike rotur. To ont okol kovudan gan vugcoba sagwer oke nimatkadir ; ont jaftolya gubeon zijnafa olyastena gan valpok toz lanir viele zo impar nume va toloy lubek selur. Isen dace lanviele fikunton me zo bakal, pune jontikviele kon bonol va rinafa blira blokar ike dempar...

» Grupé dacoba tir : dene taway al zo gaar ; isen win, lewe kot, tic irubasik nume dere grupec. Kottan kielcekon kobapar ; va mona ta sielestura is tilderama dimdenlanir. Aze abdi benazegara, kon rumeik to iegar : « Jaftol vamoo istayaxa su grabled » ; ok : « Namulol koe olk tigid. » Numen kottan ranyar aze toz vultar, trakuson va granja ok olyub, i va batyona zaipa wavdapon atrisiyina vox grebena gan banyon volpestoraf bonol. Ayikye tcepad, va peya ploted, ilgaeled ; ayikya ko kusk divlanid ise kizoyud. Azen viele va jaftol ik namulol gu karnizxo gire su lajukoplekut ise va nukafa istayaxa su kamadat aze kuncayanon dimlanit, pune va urtaabre

griidulaweyese is kotrafe gu valpok, is va umta leve azega ixam vumbena gan vakol is karvol trasit, nume va betcoba sorion gonestut, kivason va djuprotisa warzafa randayera ke batyon ficaf sulem.

» Tic zanisik va winaf bonoleem : to batcoba tic. Ropec, tcatec ; va cielka treduc milinde wawik va kelka ke kulik tredur. Isen to win tre kobara blisic, kiren tawa sotir totcidafa isen idulugal trelarsaf. Mancoba sotir ise mekane betaweter, larde me rofiandec ; volkan bonol va taway me roblidat. Voxe kore co rotaskit... pune va ar felisik co dikic : kon idulugal dem gaversafa toza vox waversafa tena, is fentugal impavantiskon vumbes va peroy aksat ke tanda, is rod kotviele dujus isu muva...

» Koe widava va mancoba nulev ; voxen batlize va int guon me rorojuc nume zo rotuc ; volkare fentod is kota keldaja is antiafa blira sume kotcoba, mepuveguson. To sutuca tir, i sutuca tozatenon. Gikalit da ant korik koblixis az gaayas dene taway, kan taway rojupekar ; tire soye... Kotar, kontan irubayas koe widava, metode tir ixakarsaf gu malnalera va mana blira !

Lorenzo lacon is jontikote pulvir, dum widavik kotvielon flides do nuxik, is belis va fela, is gildes va gamdotaf dewitcasik. Gildesik, tis siakraf gu pulva, pestaled da gan inyona malyopara isu temera zo guoted, numen geltrafa olguca ke sinafa blira ton warzaf is vangis ask awir numen miv zo akoyecked.

Soe Chapdelaine gadikya wan takabotcer.

— Me kalil va mancoba ! Blira ke irubasik digis va taway tir ana blira.

— Volgue, me koe bata gola, Chapdelaine weltikya. Ilerson valenteon tigid ; idulugal tir trelarsaf ; olk va dik ugal ta atrira dadir azen ixam fentur.

Kotviele mal États patecta batlic dimlapí ise va monama kum azeb eglunafa koe vema wí, i va mona tolke sume sint is nuvudesa, is va aala drumefa is kotlice anamefa... Benje ! Pesté burdockaf tove win, jin mea sokes, nume dace nué dume kot voik valevion me al bulud, irubatson va leon olgafo xo lize kotcoba ta bliranya zo rotrasir isen idulugalon rodidat ise rogozat mekivason va xonuka...

Mekivason va xonuka... Maria vere suster ise va yona grenyafa birga preytana gan kusafa is batakafa aala trakur. Kaliks ke Lorenzo Surprenant tir ageltaf ; vo tir volsaaso is mezijnafo. Kota



dratcesa volnuca ke divak, is fent, is aludevafa nolda, is antiuca va mona laizon nukofid aze bro glemi dem diolikyaja anam bending debanyad, kipteson larbudason va xaka ok dace loon eaftaf amlit.

« Kas va yafe listikye minon aytayane az palseyene koe aala setikel, berya ? Sinafa gloga rotir al bubed ; voxen alto, i sinafo alto, i koto alto... metan bas min kanaritir, meviele... » Lorara ke suka gentimon ic mona vas krijafe kipe vektar, isen Maria liter da korikeem belcon tigis wale azebaf rebaveem geomar ise omapudason pulvir, dum kontan dis va dratcen i bli num kivas.

Kali tena ke sielura abica gabentuca wan tir, icle moe ina. Racicot va rupa va tcabanera pwader, i va rupa va ikseyen rupol roynes is zugon buzepes wison va ayik eke ban in skotcer ise gribudawer, az vere roes kozwison va tcabanesik jontikote artlanis is feken pisonas zelt ; i va rupol roes is pases va taka wal inieem is arubas is kizoyus ik bres, faretcon is kimton riwe dum ayik.

Radimi rupa va tcabanera, rupa va to tacedik ik awira tid ; i rupa va kovudasa corara ik zultafa walzera kazawana gan lanyon ayik lamtayas ik balgeson pulviyis va gertik. Azon, larde metan djuprodankar, konaktan liwud ; prilara va yon lekontes uum adre dikir, numen viele impadimot va Maria do gadikeem van mona koo mielakafa aala dimstar, pune antaf setikeks ke kotbata dokalira solburen gan ina tir namiks va Lorenzo Surprenant pulviso va Tanarasokeem is wafafa blira koe widavapa, i va plinafa is musafa blira, is va listafa rontafa vawila koafipana ba siel, oltavafa gu ribiegafa teniskafa disukexa.

Levi mallakira, Lorenzo pudomason al kalir, ton teca odiaxaca :

— Eldeon taneaviel tir... Va rin kielon auzutú.

Radimi abic mielaf bartiv, awaltasa gazda mo nolda tir, azen ino poke ina gire tigr, ginuso va ribiegafa nega dum nonuyuna alutara.

Kire to mu nelkon ina daresielon al pulvir ; Maria gildackar. Inafa kabdunedina vligurapa va tawadayafa blira ; is pimtara va aliafa blira koe widava, i bancoba anton al tir taneafu bu ke re kevaykana zoera dem san-toloya kerdela dumedu va ewavaneva co gixur.

— Ox ! Maria, me rogestal. Va kone dolexe koe Roberval, ik mistapa, ik pizafa sielura koe xida ; to va bata kotcoba lolistafa batvieli al wil. Kle, korik sokeyes koe widava va kota batcoba en co kipegar. Me rogestal... Nemon gozason moe twern ke vawilapa, sielon, moida kobarugal su tenuwer, voxen me twernam kum azeb dum koe Roberval vox koyvaf twernack azef dum azega is mantaf dum bonta, nemon batinde gozason, vanmiae afi is direm dure pokolapis is dolexepe is tari, va gevasaca kotvielon dure co wil. Isen va kota puveinda rodikit ; i va wenya is riva is fela dem ewava is yono xo keve kota vawila lize ika tanoy rumelaf talolk vas aluboya decemeaca rokolanit aze bak toloy bartiv boreson is kipegason zavzagit. Ox ! Maria ! Ste dace me grupel dacoba elpat tir !

Ino abicedje stivawer, malsetikeson va zultafa disukexa ke elpatasiko is nueson kason co ropebur ise va cugunaykaf fiuk co ropwader : va tsedasa izva ke jovleyena ok egluyusa rumeikya dem blira tuelkana keve briga gu san-toloya wexa ke virnafa copuca az baroya dimempasa wexa vas pelava koe tapegarsaf bontay... Va dagafa tcepara ke cow-boy susik

onkas va guldies indiik ; va mayakafa zeltara ; va tunuyara va gralomenik ba bocafa vula gan sayakik ipeson artlakis, ilamton ploteson va bitejkirafa irowa...

Arti tanoya klabusa wexa takabotcer, kagrupeson da va kotbata coba kan ewa me grulinger.

Sin moe nolda belcon lanid, dem noyelt leve nuga, koe anteyaxo aultovekoron tigiso moe ontinafa temba ke Peribonka kuksa katice narda. Lorenzo Surprenant va kona yonta me al kucilar numen Maria doon al gozar ; ino nemon al erur, lente yasikeem, nume ton mila rontifa is askiputafa opeluca va rena re pulvir.

— Ba taneaf viel viele va rin al wil, Maria, ba taneaf viel... ageltafa ! Jontikedje ko vo me al dimlapiyí, nume unt kalickiyí da to copafo xo ta blira *batlice* tiyir, da irubasik tiyid bonik wiyis va mecoba isen yikya arse tiyid gedelafa leon dam telyona ke États patecta isu plinafa... Azen disukeson va rin, al vofá da to jin en tiyí bonik kire koe Lowell ok Boston va yikya dum rin meviele al wiyí. Radimi jinafa dimlapira *banlic*, sanon vieleon trakuyú da kon mazukes irubasik va rin fu kevlaniyir aze di nariyir, nume kotviele zo gefentesiyí. Batdume al dimlapí, Maria, mal pokeon Boston batlic : baroy koyas vielcek ! Va jinyona arienta batlice, kan twa co rosuleyé ; to mu rin al dimlapí, kalitison va coba gokaliyina is grupeteson va rinyona dulzera.

Kotviele sid tir lebaf moe konake nuge kabdue sin, krosiskaf is zaeiskaf numen mekivason va ardeotara ko nolda ino rotitamadar, pune va ina disuker voxe va inafa blaganyasa liota dem keafa is aulafa muxara anton wir, i va liota wale baynaf gom isu nesukap cupas va inaf gradilaf tazukeem, inde kota disukera va dalintyona renasa lazava kimbar voxe va meka dulzera dear.

— *Batlice*, volto xo mu rin tir, Maria. Patecta tir olgarsafa, is kobara dere : ta anton wara va beg va int awalkesit. *Banlice*, koe iaxe, rin gedelapaf is pockaf, riwe liote dam jin kalion watal ; voxen ede co titil kurenik, pune me co godekobatal. Ta tola umdroe wacká numen co blinyitit : dem bluctenye is vredanya koe norkafa mona dem idulafa lava, is jontika gedrafa xa rinon megestana vox dure megasa va kuncara is wavduca. Isen me guzekal da anton « *englic* » *banlice* tigid ; va jontika canadafa yasa kobasa dum jin ok digisa va dolta grupé. Isen listafa uja dem kanadaf gertik tigrir, i dem Tremblay gertye vey Saint-Hyacinthe. Me argawetel...

Ino wan klabur aze va disukera mo batafaf sid dem tcastaf beretraf kros anamon gestar, is mo kabduefa soyutafa azekexa laizon titnisa kale opreyesa kuksa, dumedede va gorukafa dusiva aneyar.

— Me grupé da va coba rokalí... *Batlice* dun blil nume me roguzekal inde bancoba *arlice* tir, isen kan anton ewa me grujupá da gildal. Voxe va rin rená, Maria, va kubanya giwá ise sometugrijawé. Ede va jin djukurel inde erú, pune ko yono xo gevaso va rin malstatá ; i ko ageltafo xonyo volmilafo gu *batlice* vo, *lice* dum strabik roblit ise va kalafa gazara rodiskit.

Maria zavzar mepulvisa, neken kot blayak ke Lorenzo Surprenant va inafa takra al dendar milinde runta mo piluda baliewer. Ruyera va rena va ina kontensed kore tid purafa is teldafa, voxen lazoesa pimtara askid. Ino va unaykafe puve is blikunaf gunt ke erod ik greciuca anton al pulvir ; voxen latorigil !! latorigil da batyona coba tid tela antafa rogildackana isen da arak, i bulafa diola ke widava is zoera ke amidafa blira megrupena vanmiaie ayafa tamava vols lugavaf canak, i da arak en tir popaf kir ware merotseden is klubaf milaf gu ilefa afta.

Va kotcoba ribiegafa is tugrijasa ke disukera va aultove iku uzera ; va kulafa pestaba isu rieta ton vudime tise gunt ke widavik guon vindayas va figafa tawintotcura, Maria va kota batcoba ton warzafa blira koe warzafa tamava gojon abdipestaler, i ton aliafa glogalamara abdiston beviana. Voxe moekote jontikeke djubulur.

Suka ronuo dur ise va zuvda dem gabentaf rujod vajkiraf gu nolda kabduon aneyar. Sin bro dratcera vamoe batakaf sid is orikafa aala farud ; sid va ara bada mo intafa koxawa nuker, isen pailta sinton tandesa isu kurba isu djoka me stibuskad, nyebayana ton bata trobindapasa kerdela ke bet aal dem rontaf ulim. Kros ton saga divnoldawed. Mecoba ke patectoy va rotis imwugal ik idulaf is nazbukaf direcadim pulvir : to bopi ke kona sutafa winta kre tir lize ant fentaf awalk co gazar.

Va bat fent, va bata nolda, va bat modes tawaday, va soyutuca ke orikaf aaleem, Maria Chapdelaine va batcoba remi blira al gruper ; voxe re taneatomon bogeson is kivason modovar. Mana fuda ape tid bana geefa coyunta lize tena ke fentugal bak bareaksat sotir isen aal mali balemeaksat sotoed ! Banlize, isti fentugal, moe kelda ile govitafa aala volkan noyelt a myotxa rolanit. Isen koe widava, vawila...

Bibera moe inaf kutceem skotced. Co djugruper kase ontinafa mona is dolexe voke loa vawila trenon tigid, inde al mbi pulvir, kase meltdirem remi tandacek flid ; kase blira en tir yarlafa... Neken dulzera va kotbata bibera, va pakam ke inafa kontena rilituca anton co keldaskid ise va cuga klubafa ribieguca ke elzawapa co isked.

Neken ina amlitar, kivason da kona kalira vas toza ke abdiplekura co vektar. Lorenzo pokeon lanison moe nolda va ina abrotcion disuker ise va mecoba dilizesa iste inafa takra diepiler.

— Me djumel, Maria ? Va nuca mu jin me dikil, oke kire ixam me rogoral ?

Larde ina wan medulzer, va bana levaykara trakgir, ogoleteson va kona parmafa vewara.

— Waroldon me gonenkalil, acke ! Va jin abicedje grupel... Nemon va jinaf kaliks trakul !! Dimlapití, Maria. Batcoba tir koyarapa yarlafa ; voxen dimlapití. Isen ede umeke trakul, di wil da meke yikye koe vo tir, i yikye do dane co rogazal milinde do jin co askil, kire ede va jin kuretel, pune dum strabik blitit lodame ropeson va bonol is fasiason va tawa koe kono sutafo bumaxo va int aytatat...

Sin dimlanid. Lorenzo va intafa direfa koyara ware pulvimir, az va États patecta lize va imwugal ixam artstiyis fu trasir, is va aultovesa kobara dem kubanya vrutana gan glabaf vageeem is sivera. Azon mallakir. Maria wavdon kevuon al itaskarar aze pok dilk debanyar aze va miel is nolda belcon dusa disuker, trakuson va intafa argapa.

XIII

Resielon metel va Maria koerur, meie bak yon diref sielcek ; voxen kon yasik pu Eutrope Gagnon va auzura ke Lorenzo Surprenant is inyona denafa xialara ape al pulvir kiren ba diresaneaviel ine silukon artlanir, kadimi miafizestura, numen Maria va toleafa kowelidara va rena gilder.

François Paradis isti idulugal, ticu bulafa patecta katice « kuksa », al lapiyir ; setikera va inyona opelapafa pulvira tir aotceckenafa gu tela va sizuntasa awaltara is lukrafe aejade is bocafa toa ke gorkeda omwesa koe molda. Azon Lorenzo Surprenant va ara elzawa al vanburer : i va elzawa ke listaf sumef wid is firvina blira kulafa gu megrupena ribiega. Eutrope Gagnon, viele silukon pulvir, pune vazon askir, ton teca kinokuca, is abdiston nugribudanon, gildase da va mecoba rozoeckesa dir ise co rofirvir.

Laoon pu Maria va gozara doon al erur. Sin va lioza kavaged, va tuvel fenkud, voxen rabated da nolda dur. Maria moe pikay vukir, klabusa, ton nuba ben arelta, nujidimkolanison ; numen ine, kivase da fu isker da katecta di buber, kaliapon toz pulvir, ampuson dumedede co craker da dikote fu rokalir.

— Grupeckel da va nuca mu rin dikí, Maria. Men al pulviyí, taneon kiren jinaf taway tiyir desansayan ta bliracka ke tolonga, isen kiren al diepileyé da va François Paradis loeke renayal. Voxen larde in re tir awalkaf isen batara yikye ke États patecta va rin deblamer, al trakú da jin dere va intafa fala co royová...

Nolda ton licanafa udega re luber ; ticu lukoptaf kelt akeoyer, kabdue dataf orikaf nok ke aaladom batakon bordezar, aze gu batara nolda ixam vanbedeyesa moe sid gan aluboy aksat ke fentugal va int mozokever.

— Me tí kulaf, tire ; voxe va toloya nyosa kaldodeyena digí, isen grupel da sina tid tawayany. Imwugalcekon vaon fu kobavé, va pakap tite veyaday fu baskrosá, va istayaxanya fu kougá, numen viele alubeaksat artstitir, pune va faytawatana welmapa dadití. Va denta is olyuba is granja vas decem-bar-sanoy *minot* tokodolk faytawatá, volkare va jumba moe tanoy *arpent* welmolk mu bonoleem. Va kot bat olk, i va faytawazolkany, koe Roberval lusteté ise moe bexa kaldodeté, en... Va erba gadiackafa digí ; kaldodeté, a beta boza tove metan, numen ede gubefa tanda di tir, pune batcoba va warolaksany warzeter. Kle trakul, Maria, olkany vas decem-bar-sanoy *minot* tokodolk ta faytawara ko tawanya ! Isen bak idulugal, abdi nakugal, az wali nakugal is dentugal, to ugalack ta kolnara va listafa idulafa is delafa monama kum kotron klupa co tir. Va inta gadiackafa dadí, va inta gabeyena az krepkayana kadime baplaxe ; berye va jin pomatar, is rotir dere Esdras is Da'Bé viele dimon *batlice* gire tigitid. Ba direfentugal kal pradjá do okol katiclakití aze ba imwugal dem icle tol-decemoy talolk koe ucom dimlakití, arse. Bam, ede va jin co al djuketel, pune gemeltack co titir...

Maria Chapdelaine, ke Louis Hémon (11^{-eafa} zixa ; wana tigisa koe yon diref otuk)

Maria Chapdelaine : berpot (1914) ke Louis Hémon francaf suterotik
Xanto : Maria Chapdelaine francavon, kalkotavayano gan Staren Fetcey, 2018.
Dotay : Kotavaxak dem Suterot.

Robelin banliz : <https://www.calameo.com/books/007735347a70b2f8fd0f4>



GNOCCHI MITOK DEM TERMILA

☀ **Vaynakoraf is cutkaf mitok
dem *gnocchi* zoma
is fedafa termila. ♥**

VWA

Fakapafa

XANTA

Italia

EGARA

15
wexa

BURMERA

30
wexa

TADLE

Sotre balemoy korik :

- *Gnocchi* zoma vas 600 g-
- 2 lume ke fedafa termila
- Tapesiyinu karku vas 300 g-
- Spunteyena Parmigiano bluda vas 150 g-
- Fest vas 30 g-
- Regelta vas 30 g-
- Vrod vas 50 cl-
- Abice basoglukayane krube
- Eip
- Culo

FOMEK

1. Va milkacek dem eipkirafa lava lembiel. Va *gnocchi* zoma remi burmel (burmera tir kotrafa ba ticnira ke zoma welmon ic lava). Basplawal.
2. Va karku dem abic fest is termilafe lume koe milka koe cade ok kan besasa eluxa burmel.
3. Jeson va fest, va *Béchamel* valt egal. Va regelta lopekul aze kali festvayna aotcel.
4. Eze tey, dure oteson va vrod ad gimal. Aze mo teyam gire plekul ise kali tuvawera ke vayna aotcel. Va *Parmigiano* bluda bam lopekul ise eipal ise culoal.
5. Va ludev ke azekol gu *gnocchi* mitok stornal. Va lik ke *Béchamel* valt lopekul. Gu termila is karku az arak ke vayna lopekul. Gu abice ebeltafe krube walgabeyene ton anamkuri ciae aze remi 15 wexa vas 6-7 DY- (200 °) kocadel.

Fomek : SB ~ 2022



GNOCCHI ZOMA DO PESTO DEJEY

☀ **Woftulafa *gnocchi* zoma
kofigayana gu *pesto* dejej :
pinaf is sutkaf fomek
ta fakedafa estura. ♥**

VWA

Fakapafa

XANTA

Italia

EGARA

15
wexa

BURMERA

5
wexa

TADLE

Sotre balemoy korik :

- Vrazefa *gnocchi* zoma vas 700 g-
- Iewafa rondusa vas 2 tsenke
- 2 biolmabianu
- Pailte vas 3 foriacekap
- Krubeda vas 10 cl-
- Spunteyena iewafa *Parmigiano* bluda

FOMEK

1. Va *pesto* dejej egal : va iewafa rondusa tcatel aze iwotel. Ko ekeda ke epicasiko rundal.
2. Va biolmabianu basalmal aze ton 2 lik gabel aze do pailte is krubeda is spunteyena *Parmigiano* bluda ko epicasiko loplelul. Va kotak epical.
3. Va eipkiramafa lava vas 1 milkapa lembiel. Va *gnocchi* zoma remi konaka wexa koe lembiewesa lava burmel (burmera di tir varafa viele zoma va welma ticon kalnir). Basplawal.
4. Va *gnocchi* zoma do *pesto* dejej is spunteyena *Parmigiano* bluda idulon zanoel.

TELIZ

2^e bu : Drasuyun redakik (2/2).
26^e bu : Krafolma ke Ellasa.
30^e bu : Darwin (6/6).
54^e bu : Rahan, Tacedik ke faltafa arna (6/6).
64^e bu : Maria Chapdelaine,
berpot (11/15).
70^e bu : 2 fomek.
72^e bu : Kuda ke Aisopos.

Kotavusa virda

Virda kotavon sanelayana, nuyon is faston romalvajana is rorubiana is rotanamzilina. Ickriluyun rokeem. PAG / PVM / DE.
Internetxo : www.europalingua.eu/KotavusaVirda
Bu : www.europalingua.eu/KotavusaVirda/36-e_otuk_10-2025

Sanegara : Saneaksat ke 2025. 36^e otuk.

Yunkexa is ewava : ewaveem abugaf gu roka ok nuyon rotamuzen ok rictayan gan digisik.

LIWOMBURA

Tula va olkoy ke lan liwatum watson gu alto.
Konaka gokosmana peryasafa liwomba.
Xantaza : <https://kotava1837481.wordpress.com/>
2018/08/26/7-familles-en-kotava/

1

Loma
AROTIEVIK

NUYUCA




Gracchus Babeuf
(1760-1797)

Gracchus Babeuf (François Noël Babeuf tis yoltack) tir francaf artowasik.

Darkasaberopik bak yugal, gan rieteem ke Rousseau zo turestaparse va eva mu miltuca is tudoara va pilkot voner.

Bak **Francafa Artowara** va jontik teliz icde pilkuca sanegar. Konak-

viele zo soper ise zo koflintar ; va *Directoire* vertuma malyopapar. Pakeyes va « *Conjuration des Egaux* » skujera, ba 27/05/1797 di zo bastakar. Inafa rietova, i babeufeva, va doeava is arotieva tooriginon abdivolar.



Gracchus Babeuf - Louise Michel - Louis Lingg -
Nestor Maxno - Sacco is Vanzetti - Buenaventura Durruti

Okol is sayakik

Sayakik, remi geja, va intaf okol gu olyuba al sinkar, va dositik bak kobara is wupe. Voxen, kaiki geja, okol ta levetirotaf ol is remburera va vajap zo uner, nume gu bapla daletoe anton zo gestur. Wori ara geja fu sokir, nume lora gu inestala feliik va okol fexar ise va int ervoaraze mallakir. Voxen poiskaf okol kotboron luber. Pu feliik kalir : « Va int vanmia nugervoliik fu aykal ; kire va jin okol gu astol al betal. Tokkane va astol gu okol djudimaskil ? »

Vuxiskugalon is tilderugalon, volkalugal zo gomevulkur.

Kuda ke Aisopos, -VI^{eafa} decemda (kalkotavaks gan Yurani Andergan)

